

# L'ESSOR

faso kumakan

22. 23.  
01. 83?

## "UNFM" ka lajèba sabanan

Mali musow ka tònba y'a ka lajèba kè desenburú kalo tile 29 ni tile 30 Bama-kò.

Lajèkèlaw y'u ka nisondiya jira Madamu Mariyamu Tarawele ni pariti nyefètòn mögòw ni minisiriw ni depitew ni lasigidenw yeli la u ka nyögonye kènè kan.

Tòn in nyémogò n'o ye madamu Sow Woro-kiyat So ye, o ko mögòba kofolen ninnu yeli olu ka kènè kan o b'a jira ko nyinè ma kè musow kò. O teamashiyèn bè se ka minè fèn wèrè min ma, o ye kabini u ka tònba in sigira sen kan a san 9 ye nyinan ye, gofèrènama ka dèmè ma kötigè u la.

Lajèba sabanan in kèra sababu ye an balima musow bolo ka kelenw ni kétav ja-teminè, k'a lajè dòn-sen kura ni dusu kura min bè se ka don tòndenw na,

Mali musow ka kuntigi da sera u jöyòrò ma jamana ka nyetaa sabatili la, A ko musow kèli pariti nyefètòn mögòw ye ani depitew, u tali gofèrènama la, o b'e b'u jöyòrò jira faso baara la. Jamana kunko gèlèn fosi tè nyènabò u kò bi. O ye fèn ye min b'u diya don u yèrè la, u ka se k'u seko kè jamana sotè lawulili la.



yatu So y'a jira k'u ka jèkuluw ye taama minnu kè tòn bolofaraw yòrò jamana kònò o ye nyögónfaamuya ni dannaya sinsi tòndenw ni nyögón cè ani tòndenw ni nyémogòw cè.

Musow y'a jira u ka lajè in sen fè k'u bëna dò fara u ka cèsiri kan jamana politiki, sòrò n'a hadamadenya walew timèli la, walasa Mali ka bònogòla bë se ka teliya. O sira-

tigè la u labènnen don k'u jeniyòrò fin kunfinya ni sègèn ni nyani dugali la Mali kònò. Nka u dalen don a la k'a fò nin baaraw tè sira sòrò jèkabaara kò jamana-denw ni nyögón cè. Fò an k'an bolo di nyögón ma "UDPM" kanu kòsòn, k'an ka dinyèlatigè nògoya an bolo. Olu musow kòni bë pariti kò a ka wale nyuman bëe la ka nyèsin jama ma.

Musow ha tònba "UNFM" k'a b'a nyini

halisa dò ka fara musow jöyòrò kan, k'u sen don jamana baara bëe la ani pariti bolofaraw bëe.

U b'a nyini u b-  
lima musow bëe fè, u  
k'u ka tòn kanubaga-  
ya jira ni tòn sèbèn  
sanni ye fòli. U bë  
pariti ni gofèrènama  
kòkòrò u ka nkaniyaw  
waleyali la Afiriki  
jamanaw kunko gèlènw  
nyènabòli sira kan.  
U bë pariti nyémogò  
Zeneral Musa TARA-  
WELE fo k'a walenyu-

mandòn a ka cèsiri la Afiriki gèlèyaw kurutigèli la.


Musow k'u ka dèmè bë Namibi, Afiriki worodugyanfan, Angoni Palèsini fasoku-mabòlaw ye.

Musow ka tònba k'a b'a kanu dò ka fara musow ka balikukan kan walasa u ka se k'u yèrè nyènabò si-ra bëe kan.


Kènèya siratigè la musow y'a jira ko mögò faamuyalenw tè jigginniso caman kò-nò. O dun ye fèr ye, min ka kan ka lajè ji nyèmajòlen na. U y'u ka nisongoye jira furusaw kan, minnu sababu la denmisènw caman tè lamò konyuman bawo u bë labila u yèrè ma. A dòw yèrèw bë kè dòrogut-law ye. U k'u b'a nyini jamanadenw bëe fè an ka wuli ka dòrògu kèle bawo fèn don min b'an denw kè sidònbalìw ye, k'u bò hadamaden sawura la.

U bë wele bila mu-sow bëe ma u k'u cèsiri jamanadenw ni lakana baaraw fè, ka dannaya minen fa, dannaya min dar'u kan u niyòrò laseli la faso baara la.

Musow ka tònba "UNFM" ko u ka foli, tanuli ani walenyuman-don bë ka taa "mögòw ni jèkuluw ma, minnu y'u seko kè k'u dèmè u ka nyémogòso jòli la.



# dinyè denmisènw ka donba Minisiri Ngolo Tarawele ka jèmukan



An ka jamana kènèya ni hadamadenya walew sabatili minisiri NGolo TARAWÈLE ye jèmukan nafama lase jama ma dinyè denmisènw ka donba hukumu kònò.

A ko nin y'a sinyè 13 ye Mali bë denmisènw ka seliba in kè, k'a daminè Zanwuye kalo tile 16, fò tile 22.

A y'a jira ko denmisènw ka don kèrèn-kèrènnen in kòrô ka bon, bawo miiri ani taasi don don denmisèn somogbw ni denmisèn ladonbagaw bëe bolo mèlèkèninw ka sininyèsigi kan.

A ka jèmukan kònò, dogotôrô NGolo TARAWÈLE y'an kunnafo ni dinyè jamana hòrónyalenw ka jèkuluba n'o ye "ONU" ye, a ka jate la denmisèn miliyén 100 ni

56 sigilen bëe dugubaw fantan kirw kònò. Ni kow tora nin cogoya la sanni waa-  
ti cè o hakè bëna se miliyén 700 ni 50 ma. O dun ye dinyè denmisènw bëe lajèlen tila kelen ye, minnu bëna labila baloko juguya ni banajuguw ye.

Minisiri NGolo Tarawele ko mali ye fèn caman kè nògoya donni la an ka duguba kònò denmisènw ka dinyèlatigè la, kènèya ni denmisèn minnu ma se lakoliladon ye fòlò, olu de ye doniba y'an bolo.

A y'a jira ko n'an ye bamakò dugu ta, denmisèn minnu ma se lakoliladon ye, o hakè ye baa 58 ni 627 ye. Denmara yorò 24 dòròn de b'olu bëe bolo. O ye fèn ye min-

bè furancè don denmisènw ni nyogòn cè, u ka walanwalanni sira kan; bawo minnu bë taa denmara yoròla, olu bë ladamu konyuman ka tèmè yèrèmabilaw kan.

Fo an k'o yorò ja-  
teminè, k'an seko da-  
majira kè o furancè  
in ka tunun denmisènw ni nyogòn cè. U  
bèe garijègè ka kè  
kelen ye. An k'u la-  
damu, ka sira nyuman  
jira u la u ka sini-  
nyèsigi baara la.

NGolo Tarawele ko  
baara in kolo ka gi-  
rin gofèrenama dòròn  
ma, o kòsòn a bë wele  
bila jamana sèbekè  
jèkulu bëe ma, minnu  
hami ye malidenw ka  
nyètaa ye, u k'u fan-  
ga kè kelen ye ka  
gofèrenama dèmè den-  
misènw ladonni la.



# mèlèkèninw lakanani

Dònnikèlaw ka jate la denmisèn baa 40 de bë sa don o don dinyè kònò, k'o sababu bò baloko juguya ni banaw la. Afiriki, Azi ni Ameriki latini jamana hòrónyalen kuraw denmisènw ka nyani sirlén don u bangebagaw ka kòli n'u ka faantanya la, dò farala min kan dinyè gèlèyaba in waati la.

O wale in juguya juguya de y'a to, dinyè jamana hòrónyalen ka tònba bolofara min ka baara nyèsinnen bë denmisèhw lakanani n'u ladonni ma "UNICEF" o ye fèerè dòw siri mèlèkèninw kisili sira kan.

Fèerè fòlò tè dòwèrè ye ka dansigi den farikolo ji banni la kònòboli fè. An file yorò min, san o san kònòboli de bèkè den miliyén 5 sata ye dinyè kònò. Fòlò, kònòboli n'a nyogonna banaw tun mana den minè, a tun tè se ka furakè fò dògötôrôso. Fèerè kura min sòrla o la, ni denbatigi bëe bë se k'o waleya u ka so, o ye ji ni kògò ni sukaro nyagamili ye k'a di den banabagato ma. Dònnikèlaw y'a jira k'o fèerè bë se ka denmisèn baa 15 nyogòn kisi don o don dinyè kònò. An dan ye ka ji litiri kelen wuli, n'o sumana an bë kudu fitin sukaro nyè 8 k'a la ani kògò kudu nyè kelen. An man'o nyagami konyuman k'a

di den ma, a ka c'a la a ji tè sama ka b'a la, k'a fanga ban.

Fèerè filanan ye bana jugubaw, i n'a fò nyininsa ni jagoyi ni keteketenin ni sogosogoninje ni sensabana tuguci kèli ye denmisènw na walasa k'u kisi bana ninnu masibaw ma, minnu kèlen bë jamana hòrónyalen kuraw mèlèkènin miliyén 5 sata ye san o san.

Fèerè sabanan ka nògòn. A nyinin don denbatigiw fè u kana nògòn fosi bila u sinji nyè. Sinji nafa de ka bon den ma ni nògòn tòw ye. Ni denbatigiw y'o laadilikan lamen, denyerènin miliyén kelen bë se ka kisi dinyè kònò san o san.

Fèerè naaninan na, a nyinin don denbatigiw fè u ka den ka walanwalanni ja-  
teminè bawo baloko juguya ni bana caman bë yen, o bë se ka na ni den mögöyali ye. U k'u jan to den girinya la kalo o kalo.

Fèerè duurunan ye wolow janyali ye nyogòn na, bawo an bée b'a dòn ko sere ma nyi den ni ba si ma.

An hakili la "UNICEF" ka fèerè 5 ninnu nafa ka bon cogo min an denw ka dinyèlatigè la, bangebagaw n'u cèsiri u waleya li la walasa mèlèkèninw ka kisi baloko juguya ni bana juguw masibaw me.